



Broj: 01-2-1451/13
Sarajevo, 06.05.2013. godine

Predmet: *Obavijest o propisima u pripremi*

U okviru aktivnosti na uvođenju Međunarodnog sporazuma za mjerenje kapitala i standardima kapitala, Agencija je pripremila nacрте sljedećih odluka:

- 1) Odluke o politici i praksi naknada zaposlenicima banke,
- 2) Odluke o procjeni podobnosti članova organa banke, i
- 3) Odluke o savjesnom postupanju članova organa banke.

Nacrti navedenih Odluka rezultat su aktivnosti entitetskih agencija za bankarstvo, koje su se odvijale uz tehničku pomoć USAID PARE Projekta, a koje su uključile i prethodno međusobno usaglašavanje nacрта regulatornih odredbi.

Sa ciljem obavljanja pravovremene i sveobuhvatne javne rasprave unutar bankarskog sektora putem Udruženja banaka Bosne i Hercegovine (u daljnjem tekstu: UBBiH), nacrti predmetnih Odluka su u printanom formatu dostavljeni 30.04.2013. godine UBBiH na javnu raspravu bankarskom sektoru u FBiH. Rok za okončanje javne rasprave putem UBBiH je 31.05.2013. godine, nakon čega će Agencija pristupiti razmatranju dostavljenih primjedbi i prijedloga. Navedeni rok podrazumijeva objedinjavanje i sistematizovanje mišljenja, sugestija, primjedbi i komentara pojedinačnih banaka, članica UBBiH i dostavu jedinstvenog akta na nivou UBBiH, u koji će biti inkorporirana pitanja od zajedničkog interesa za bankarski sektor u cjelini.

U postupku javne rasprave sa bankarskim sektorom putem UBBiH zajednički će učestvovati entitetske agencije za bankarstvo, kako bi se postigli harmonizirani regulatorni propisi i supervizorski pristup predmetnoj materiji na nivou bankarskog sektora u BiH.

Nacrti predmetnih Odluka obavljani su na internetskim stranicama Agencije u okviru glavnog menija (novokreirana stavka - Propisi u pripremi). Obzirom da se radi o nacrtima Odluka u postupku javne rasprave, koji su podložni izmjenama, dopunama ili modifikacijama u skladu sa analizom dostavljenim primjedbi, prijedloga i sugestija tokom javne rasprave, a polazeći i od ograničenosti vremena za realizaciju aktivnosti, u ovoj fazi nije provedena procedura lektorisanja sa ciljem utvrđivanja identičnog teksta na svim službenim jezicima u upotrebi u BiH. Navedena procedura biti će provedena prije službenog objavljivanja predmetnih Odluka.

Za sve dodatne informacije koje smatrate potrebnim u postupku javne rasprave po predmetnim Odlukama, stojimo Vam na raspolaganju (kontakt osoba ispred Projektnog tima je Limo Amra, tel: 569-791 ili e-mail: amra.limo@fba.ba).

URED ZA INFORMIRANJE FBA